

Намозда саф қоидалари



19:00 / 05.12.2021 3024

هُلْلَى ىَلَصِهُلْلَى لُوسَرْ آنَرَمَأْ ٰلَّا قُونَعُهُلْلَى يِصَرِبُدْنُجْ نَبَّهُرَمَسْ نَعْ
يِذْمَرَتْلَأْهَاوَرْ آنَدَحَآآنَمَمَدَقَتَيْنَأْهَاتَلَثَآنُكَأَذِلَسَوْهَيَلَعْ

Самура ибн Жундуб розияллоху анҳудан ривоят қилинади:

«Расулуллоҳ соллаллоҳу алайҳи васаллам уч киши бўлсак, биримизнинг олдинга ўтишини амр қилдилар».

Термизий ривоят қилган.

Шарҳ: Демак, имомга иқтидо қилувчилар сони икки кишидан иборат бўлса ёки иккитадан ортиқ бўлса, имомнинг орқасида турадилар.

يِفَمَلَسَوْهَيَلَعْهُلْلَى ىَلَصِيَبَنَلَى ٰلَّا قُونَعُهُلْلَى يِصَرِسَنَأْنَعْ
هَعَبْرَأْلَأْهَاوَرْ آنَفَلَخِمَيَلُسَمُأْوُهَفَلَخِمَيَلُسَمُأْتَيَبْ

Анас розияллоху анҳудан ривоят қилинади:

«Набий соллаллоҳу алайҳи васаллам Умму Сулаймнинг уйида намоз ўқидилар. Мен ва бир етим бола у зотнинг орқаларида турдик. Умму Сулайм эса бизнинг орқамизда турди».

Тўртовлари ривоят қилганлар.

Шарҳ: Умму Сулайм ҳазрати Анас розияллоҳу анхунинг оналаридир. Етим бола эса Пайғамбаримиз соллаллоҳу алайҳи васалламнинг озод қилган қуллари Абу Зумайранинг ўғли бўлган.

Ушбу ривоятдан имомнинг ортидан эркаклар, эркаклар ортидан аёллар саф тортиши лозимлиги маълум бўлади.

وَنَعْلَمْ حَفَّ نَأْنَسَ رَسُولُ اللَّهِ صَلَّى اللَّهُ عَلَيْهِ وَسَلَّمَ أَرْمَأً مَلَسَ وَهُوَ يَلْعُجُ لَهُ دُوَادُ وَبَأْ مَلْسُمُ أَوْرَ كَلْذَفْلَخَ أَرْمَلَ وَنَيْمَى

Яна ўша кишидан ривоят қилинади:

«Расууллоҳ соллаллоҳу алайҳи васаллам унга ва улардан бир аёлга имомлик қилдилар. Бас, уни ўнг томонларига, аёлни эса орқаларига қўйдилар».

Муслим ва Абу Довуд ривоят қилганлар.

Шарҳ: Демак, иқтидо қилувчилар бир эркак, бир аёлдан иборат бўлса, эркак киши имомнинг ўнг томонида, аёл киши эса орқароқда, имомнинг тўғрисида туради.

«Ҳадис ва ҳаёт» китоби асосида тайёрланди